

Caderno da crítica

Blogue de Ramón Nicolás. Fotos
cabezallo: Anxo Cabada

Cuestionario Proust: Sabela González

Publicado o 15 Febreiro 2014 por Ramón Nicolás



[Sabela González](#)

1.- Principal trazo do seu carácter?

– A curiosidade (fascinación infantil e arrebatado a partes iguais).

2.- Que calidade aprecia máis nas persoas?

– A empatía.

3.- Que agarda das súas amizades?

– Que sigan aí cando as necesite, sen importar tempo ou distancias, como eu estarei para elas.

4.- A súa principal eiva?

– A inseguridade.

5.- A súa ocupación favorita?

– Crear.

6.- O seu ideal de felicidade?

– Que o meu tempo sexa meu e para estar cos meus.

7.- Cal sería a súa maior desgraza?

– Non me atrevo a confesala. Pero si podo confesar que varias veces tiven pesadelos nos que perdía a man esquerda e non podía volver debuxar.

8.- Que lle gustaría ser?

– Eu. Pero máis.

9.- En que país desexaría vivir?

– Nun que funcione. E que sexa verde e con mar, ten que ser verde e con mar.

10.- A súa cor favorita?

– O vermello.

11.- A flor que máis lle gusta?

– As rosas de té.

12.- O paxaro que prefire?

– O moucho.

13.- A súa devoción na prosa?

– Paul Auster.

14.- E na poesía?

– E. E. Cummings.

15.- Un libro?

– *The Amazing Adventures of Kavalier & Clay*, de Michael Chabon.

16.- Un heroe de ficción?

– Ehem... Batman.

17.– Unha heroína?

– Ronja.

18.– A súa música favorita?

– Moita... Do jazz e swing ao grunge e rock, parando na electrónica tranquila e no pop. Que non é toda, pero é moita.

19.– Na pintura?

– Lempicka, Hopper, Turner...

20.– Un heroe ou heroína na vida real?

– Non me veñen á cabeza persoeiros, só os meus pais, os pais e nais que loitan polos seus.

21.– O seu nome favorito?

– Hoxe, Cora.

22.– Que hábito alleo non soporta?

– A mentira.

23.– O que máis odia?

– A intransixencia.

24.– A figura histórica que máis despreza?

– Custa escoller unha soa, visto o panorama...

25.– Un feito militar que admire?

– Un que non aconteza.

26.– Que don natural lle gustaría ter?

– Forza de vontade.

27.– De que maneira lle gustaría morrer?

– Realizada, durmida, sorrindo.

28.– Cal é o seu estado de ánimo máis habitual?

– Feliz e soñadora.

29.– Que defectos lle inspiran máis indulxencia?

– Os impostos pola xenética.

30.– Un lema na súa vida?

– Son a ama do meu destino / a capitá da miña alma.

Esta entrada foi publicada en [Divulgación, Literatura galega](#) e etiquetada [Cuestionario Proust](#), [Sabela González](#) Garda a [ligazón permanente](#).